

07 MAY 2002

PERDANA MENTERI LUBNAN TIBA UNTUK LAWATAN TIGA HARI

KUALA LUMPUR, 7 Mei (Bernama) -- Perdana Menteri Lubnan Rafic Hariri tiba di sini malam ini untuk lawatan tiga hari bagi memperkukuhkan hubungan antara kedua-dua negara.

Beliau yang diringi oleh Menteri Kewangan, Menteri Kerja Raya dan Pengangkutan, Gabenor Bank Pusat dan beberapa ahli perniagaan, negara itu disambut oleh Menteri Luar Datuk Seri Syed Hamid Albar di Lapangan Terbang Antarabangsa Kuala Lumpur (KLIA).

Esok, Hariri akan diraikan oleh Perdana Menteri Datuk Seri Dr Mahathir Mohamad pada satu majlis jamuan makan tengah hari di Seri Perdana dan disusuli dengan perbincangan dua hala bersama Dr Mahathir.

Hariri dijangka membincangkan isu-isu dua hala, serantau dan antarabangsa yang mempunyai kepentingan bersama dengan Dr Mahathir.

-- BERNAMA

HK HK PR